

# FAKKEL-FLITSE

Weeklikse nuusflitse vir 'n ingeligte Framesby-familie!



UITGAWE 257 · 18 FEBRUARIE 2022

Kontakbesonderhede: mediasentrum@framesby.co.za

## FRAMESBY-KRIEKET KLOP OUTENIQUA!

**Vrydag, 11 Februarie**

**Framesby 1ste span vs Outeniqua**

T20 Wedstryd

Framesby wen die loot en kolf eerste.

Framesby behaal 103/9 in 20 beurte.

Beste kolwers:

Luwagean Goliath 33 (33)

Cuan Gerber 25 (31)

Hanro van Jaarsveld 16 (19)

Outeniqua behaal 89/7 in 20 beurte.

Beste boulders:

Wiaan Hanekom 7/1 in 3 beurte

Corné Jordaan 10/1 in 4 beurte

Juanré de Vos 8/1 in 2 beurte

Juan Grigor en Zandré Delport neem ook elk 'n paaltjie.

Framesby wen met 14 lopies.

**Saterdag, 12 Februarie**

**Framesby 1ste span vs Outeniqua**

Framesby wen die loot en kolf eerste.

Framesby behaal 189/10 na 50 beurte.

Beste kolwers:

Wiaan Hanekom 61 (54)

Stefan Scholtz 31 (70)

Cuan Gerber 25 (67)

Outeniqua behaal 144 almal uit.

Beste boulders:

Corné Jordaan 24/4 in 6.2 beurte

Juanré de Vos 13/3 in 6 beurte

Framesby wen met 45 lopies.



**HIERDIE WEEK SE FAKKEL-FLITSE WORD MET TROTS GEBORG DEUR:  
SUNRIDGE VILLAGE**

# ISTE KRIEKETSPAN WORD BEDERF

Mnr. Germishuys geniet 'n lekker burger, tjips en kampioen-kolwyntjies saam met mnr. de Villiers, mnr. vd Walt en die eerstekrieketspan. Ons vier hul mooi oorwinning oor die naweek.



## UNISA-EREROL

Heila Oosthuizen het verlede jaar die Unisa graad 3 teorie-eksamen afgelê en die puik prestasie behaal om op die Unisa-ererol geplaas te word. Dit beteken dat sy meer as 90% in die eksamen gekry het. Baie geluk, Heila!



## DOGTERSKRIEKET

Tweede span teen Westering

Westering teken 63/6 aan  
Framesby kry 65/1

Wen met 9 paaltjies

Beste kolwer: Cindy 19 n.u.n.

Cindy 2 overs 2 vir 5

Eerste span vs Collegiate

Verloor met 4 lopies.

**GEBEDSGROEPIE VIR OUERS  
DONDERDAE, HALF 8  
BY TENNISHUISIE**



# UIT DIE HOOF SE KANTOOR

Beste Ouers

Ek haal Johannes 20 vers 18 aan: "Maria Magdalena het toe vir die dissipels gaan sê: "Ek het die Here gesien!" En sy het ook vertel wat Hy vir haar gesê het." Mag hierdie ook vir ons 'n aansporing wees om Christus te bely.

Ouers, ek wil graag die volgende belangrike punte vir u uitlig:

## A) ONTWRIGTING – VRYDAG 18 FEBRUARIE 2022

Ek vra u omverskoning vir die groot ontwrigting wat ons leerders vandag moes deurgaan as gevolg van die groot hoeveelheid onderwysers wat afwesig is. Die rede vir die afwesigheid vandag is tweeledig, naamlik:

- Onttrekking van personeel vir hernasien van graad 12 vraestelle
- Onttrekking van personeel vir atletiek vir die PE skole byeenkoms

Ek hoop dat u as ouers dit sal verstaan en ons ook hierin sal ondersteun.

## B) DINSDAG 22 FEBRUARIE 2022

Die skool sluit om 12 uur as gevolg van ons Opedag, soos gekommunikeer in ons jaarbeplanner. Ons vra omverskoning vir die ontwrigting.

## C) KAMERASTELSE

Die akademiese gedeelte van die skool is volledig onder CCTV-kameras geplaas. Dit beskerm elke leerder en onderwyser. Die wet maak voorsiening dat die werkgewer die volle reg het om sy werkplek te monitor. Hierdie beeldmateriaal word veilig bewaar en is nie vir almal toeganklik nie.

## D) AKADEMIE

Ons gaan weekliks vir u inligting deurgee oor die vordering en prestasie op akademiese gebied, sodat u as ouers hieroor ingelig is.

Ons slaagsyfers in 2021 in die verskillende grade was as volg:

Graad 12 – 170/173 [98.26%]

Graad 11 – 185/187 [98.93%]

Graad 10 – 202/206 [98.06%]

Graad 9 – 218/220 [99.09%]

Graad 8 – 232/245 [94.69%]

Dit was 'n algehele slaagpersentasie van 97.76% .

ONS EERSTE MIKPUNT IS OM TOE TE SIEN DAT ELKE LEERDER IN DIE SKOOL IN 2022 SLAAG. Daarom moet elke ouer seker maak dat leerders hulle genoegsaam voorberei vir die eerste toetsreeks, asook toesien dat alle take afgehandel is. Ouers, in hierdie vennootskap met die skool is u van onskatbare waarde.

## E) REKENAARNETWERK/WOLKSKOOL

Ons is tans hard aan die werk in alle grade om toe te sien dat u leerder/s op die rekenaarnetwerk van die skool is, asook toegang tot Wolkskool het. HIERDIE PROSES SAL TEEN VOLGENDE WEEK WOENSDAG VOLLEDIG AFGEHANDEL WEES. Ouers, Wolkskool is 'n baie belangrike aanvulling tot u kind se akademie. Dit is beslis nie die vervanging van die onderwyser in die klaskamer nie. Maak asseblief seker dat u leerder van Wolkskool gebruik maak soos benodig.

Enige navrae in hierdie verband kan per e-pos aan die volgende personeel gerig word:

- WOLKSKOOL – MEV. C LOFTUS – [cloftus@framesby.co.za](mailto:cloftus@framesby.co.za)

- NETWERKKONNEKSIE – MNR. B VAN DEN BERG – [administrator@framesby.co.za](mailto:administrator@framesby.co.za)

Navrae met betrekking tot die netwerk kan slegs wees met betrekking tot konektiwiteit. Onthou, slegs toegang tot opvoedkundige webtuistes word op ons rekenaarnetwerk verleen.

## F) GRAADHOOFDE

Ons graadhoofde se kontakbesonderhede is as volg:

Gr. 8: hstrauss.framesby@gmail.com

Gr. 9: erwinstrauss@outlook.com

Gr. 10: fvdwalt@framesby.co.za

Gr. 11: jeanette.schoeman@yahoo.com

Gr. 12: lschelbert@framesby.co.za

## G) FINANSIES

Baie dankie aan alle ouers wat hul skoolfonds getrou betaal. Dit is 'n riem onder die hart.

Die betaling van skoolfonds bly een van u belangrikste prioriteite en moet so deur u gehanteer word. Ouers, ek doen 'n beroep op u om toe te sien dat dit altyd voor die 7de van elke maand betaal is, en op datum is. **OUERS, DIT IS NIE ANDER OUERS SE TAAK OM U SKOOLFONDS TE SUBSIDUEER NIE.** Vir wat elke leerder ontvang by HS Framesby in vergelyking met ander skole, is hierdie die beste winskopie wat u ooit sal kry.

Die graadfooie moet so gou as moontlik vereffen word.

Indien u enige navrae het, kontak mev. R. Terblanche by [skoolfonds@framesby.co.za](mailto:skoolfonds@framesby.co.za).

## H) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se Facebookblad beskikbaar - dit is die plek om te wees!

Ouers, ek sluit af deur u te bedank vir u ondersteuning en om u aan te moedig om u leerder/s te ondersteun in hul strewe om suksesvolle en gelukkige leerders van HS Framesby te wees. Soos ek dikwels vir u sê: die toekoms is blou en goud. Kom ons werk almal daaraan om dit so te hou.



Marius Germishuys  
SKOOLHOOF

## TOETSREEKSROOSTER

Ons finale toetsreeksrooster vir 9 tot 17 Maart is as volg. Maak asseblief seker dat u leerder/s vroegtydig vir hierdie belangrike toetsreeks voorberei.

	Sessie	9 Maart	10 Maart	11 Maart	14 Maart	15 Maart	16 Maart	17 Maart
Gr. 8	1	AFR	LW	FW	WISK	GESK	EBW	GEO
	2				ENG			
Gr. 9	1	GESK	GEO	EBW	LW	FW	WISK	AFR
	2	ENG						
Gr. 10	1	VS MUSIEK	TOER	REK	RTT	FW	LW	ENG
	2	GEO	AFR	LANDB.	WISK/WG	KUNS	IGO	BS
Gr. 11	1	FW	VS DRAMA	BS MUSIEK	LW	REK	TOER	AFR
	2		ENG	IGO	GEO		RTT	WISK/WG
Gr. 12	1	RTT	AFR	WISK/WG	FW DRAMA	ENG	VS MUSIEK	LW
	2	IGO	REK		TOER	BS		

Geografie (12), Landbouwetenskap (11) en IT (10-12) skryf hul kwartaaltoets in klastyd soos in die assesseringstabel aangedui.

## DATUMS VIR TAKE EN TOETSE – KWARTAAL 1

MAART-TOETSE: Standaardtoetse

TAKE: Opdragte/Ondersoeke/Navorsing/Projekte/Take/Mondeling, ensovoorts  
VERANDERING S WAT AANGEBRING IS

[Verbruikerstudie Graad 10 – 12 se praktiese toetsdatum is 28 Februarie]

[Graad 12 Fisiese Wetenskap skuif van 22/02 na 01/03]

### GRAAD 8

	AFR.	EHL	EFL	WISKUNDE	FW	LW
Take in klas	Lees Skryfwerk	Oral Writing	Oral Writing	Opdragte (soos op almanak)	Ondersoek	
Take huis toe	-	-	-		-	Projek 02/03 in
Toetsreeks	09/03	14/03	14/03	14/03	11/03	10/03

	GESK.	GEO.	EBW	TEG.	SKM	SKD	LO
Take in klas	-	-	Datarespons		Luistertaak		FO taak Taak teen 04/03 klaar
Take huis toe	-	-	-	PAT 1 21/02 uit 07/03 in		Taak 14/02 uit 23/02 in	
Toetsreeks	15/03	17/03	16/03	-	-	-	-

## GRAAD 9

	AFR.	EHL	EFL	WISKUNDE	FW	LW
Take in klas	Lees Skryfwerk	Oral Writing	Oral Writing	Opdragte (soos op almanak)	Ondersoek	
Take huis toe	-	-	-		-	Projek 02/03 in
Toetsreeks	16/03	09/03	09/03	15/03	14/03	14/03

	GESK.	GEO.	EBW	TEG	SKM	SKD	LO
Take in klas	-	-	-		Luistertaak		FO taak Taak teen 04/03 klaar
Take huis toe	-	-	Taak	PAT 1 21/02 uit 07/03 in		Taak 14/02 uit 28/02 in	
Toetsreeks	09/03	10/03	11/03	-	-	-	-

## GRAAD 10

VAK	TIPE ASSESSERING			TOETSREEKS
Afrikaans	Luisterbegrip	Skryfwerk	Mondeling	Toets 1 10/03
English HL	Oral	Writing	Oral	Toets 1 17/03
English FAL	Oral	Writing		Language in context 17/03
Wisk.	Opdragte (soos op almanak)			Toets 1 14/03
WG	Opdragte (soos op almanak)			Toets 1 14/03
LW				Toets Prakties 16/03
FW	Praktiese toets 17/02			Toets 15/03
Rek.	Take in klas 18/02-03/03			Toets 11/03
BS	Gevallestudie in klas			Toets 17/03
VBS	Praktiese toets			Toets 09/03
RTT (CAT)	Teorietoets 24/02			Toets 14/03
IT			Toets Teorie 02/03	-
Toerisme	Taak			Toets 10/03
Geografie	Navorsingstaak			Toets 09/03
IGO	Kursus Tekeninge			Toets 16/03
Musiek			Toets 2 (begrip) 18 Maart	Toets 1 09/03
Drama	PAT 1 prakties en navorsingstaak 02/02 uit 03/03 in			Toets 08/03
Landbou	Praktiese ondersoek			Toets 11/03
Visuele Kuns	PAT 1 24/01 uit 25/02 in	PAT 1 24/01 uit 7/03 in		Toets 15/03
LO	Taak in klas 3 periodes	PAT		-

**GRAAD 11**

VAK	TIPE ASSESSERING			TOETSREEKS
Afrikaans	Luisterbegrip	Skryfwerk	Mondeling	Toets 1 17/03
English HL	Oral	Writing	Oral	Toets 1 10/03
English FAL	Oral	Writing		Language in context 10/03
Wisk.	Opdragte (soos op almanak)			Toets 1 17/03
WG	Opdragte (soos op almanak)			Toets 17/03
LW				Toets Prakties 14/03
FW	Fisika toets 17/02	Praktiese toets 01/03		Toets 09/03
Rek.	Take in klas 18/02-03/03			Toets 15/03
BS	Gevallestudie in klastyd			Toets 11/03
VBS	Praktiese toets			Toets 10/03
RTT (CAT)	Praktiese toets 24/02			Toets 16/03
IT		Toets Teorie 02/03	Toets Prakties 04/03	-
Toerisme	Taak			Toets 16/03
Geografie	Navorsingstaak			Toets 14/03
IGO	Kursus Tekeninge			Toets 11/03
Musiek			Toets 2 (begrip) 08/03	Toets 11/03
Drama	PAT 1 prakties en navorsingstaak 02/02 uit 03/03 in			Toets 10/03
Landbou	Praktiese ondersoek			Toets
LO	Taak in klas	PAT		-

**GRAAD 12**

VAK	TIPE ASSESSERING			TOETSREEKS
Afrikaans	Luisterbegrip	Skryfwerk Skryfwerk	Mondeling	Toets 1 10/03
English HL	Oral	Writing Writing	Oral	Toets 1 15/03
English FAL	Oral	Writing Writing		Toets 1 15/03
Wisk.	Projek	Opdrag		Toets 1 11/03
WG	Opdrag			Toets 11/03
LW				Toets en Prakties 17/03
FW	Praktiese toets 17/02	Fisika toets 22/02		Toets 14/03
Rek.	Take in klas 18/02-03/03			Toets 10/03
BS	Gevallestudie in klastyd			Toets 15/03
VBS	Praktiese	Prakties	Prakties	Toets 16/03
RTT (CAT)	Praktiese toets 24/02			Toets 09/03
IT		Toets Teorie 03/03	Toets Prakties 07/03	-
Toerisme				Toets 14/03
Geografie	Navorsingstaak			Toets 01/03
IGO	Kursus Tekeninge			Toets 09/03
Musiek	PAT 1 7 Maart 18:00		Toets 2 (begrip) 18 Maart	Toets 1 16/03
Drama	PAT 1 prakties en navorsingstaak 02/02 uit 03/03 in			Toets 14/03
LO	Taak 16/02 uit 02/03 in	PAT		-

# KRIEKET UITSLAE:

Framesby 0/15A teen Outeniqua

Framesby wen die loot en besluit om te boul. Outeniqua behaal 173 almal uit in 40.3 boulbeurt.

Beste boulders:

Logan 3-30 (10 beurte)

Dewan 3-36 (9.3 beurte)

Framesby behaal 83 almal uit na 22 boulbeurt.

Beste kolwer:

Dewan Wessels 12

Framesby verloor met 90 lopies.

Framesby se 0/15A-krieketspan het eerste teen Hoërskool Outeniqua gaan kolf .

Framesby behaal 96-4 in 20 boulbeurt.

Beste kolwers:

Logan Fleetwood 44\*(42)

Leander Terblanche 15(39)

Framesby kry dit reg om die totaal te verdedig en Outeniqua behaal 87-8 in 20 boulbeurt.

Beste boulders:

Drisden Pretorius 3-9 (4 beurte)

Logan Fleetwood 2-12 (4 beurte)

Framesby wen met 10 lopies

o.15 B krieket verloor teen DF Malherbe o.15 A

3de span verloor teen Grey

# BERGFIETS UITSLAE:

Shaun Westraadt en Wion Venter het aan die 30km Herald MTB-resies deelgeneem.

Shaun behaal 'n algehele 12de plek met 'n tyd van 1:08:12 en eindig 2de in sy ouderdomsgroep. Wion was kort op sy hakke met 'n tyd van 1:13:23. Hy het 24ste geëindig en 4de in sy ouderdomsgroep.

Baie geluk, Shaun en Wion!



# TENNIS UITSLAE:

Seuns:

Eerste span verloor teen Pearson 3-1

Tweede span speel gelykop teen Woodridge, maar wen 26-19 volgens potte.

Derde span wen teen Woodridge 3-1

Vierde span wen Pearson 3 - 1

Vyfde span verloor teen VP 3-1



# SKAAKUITSLAE:

Ons het Vrydag 11 Februarie ons eerste skaakwedstryd vir 2022 gehad. Na slegs één oefening het ons teen Collegiate meeding. Die telling was  $9^{1/2} - 5^{1/2}$  in Collegiate se guns.

\* 1 punt per wen en 'n halwe punt vir gelykop.

# GHOLF UITSLAE:



Framesby het die afgelope naweek aan Selborne College se gholffees ter herdenking van hul 150ste bestaansjaar deelgeneem. Ons het een span van vier spelers in die B-liga ingeskryf.

Die toernooi het op die pragtige Olivewood golfbaan (Saterdag) en Oos-Londen golfbaan (Sondag) plaasgevind. Saterdag was uitdagend op 'n moeilike baan wat nie een van die spelers al tervore gespeel het nie, en was die tellings nie waarvoor ons gehoop het nie.

Die span het hulself reggeruk en Sondag 'n goeie dag gehad. Jeandre het 33 punte behaal. Framesby het uiteindelik 5de in die B-Liga, net 1 punt agter die 4de plek geëindig.

Dit was voorwaar 'n besondere voorreg om op daardie mooi golfbane te speel. Dit was goeie ervaring vir die besige jaar wat op die gholfkalender voorlê.

# BUITESPORT

JADE DE JAGER [Gr. 9], doen reeds 4 jaar buitemuurse dans en modelafrigting by Leanka Laubscher School of Dance [LLSD]. LLSD, is geaffilieer by AIDT [Association of International Dance Teachers]. Jade neem jaarliks deel aan die AIDT Internasionale danseksamens en sy het uitstekende uitslae in haar Hip Hop eksamens vanaf 2018 verwerf.

In 2019, 2020 en 2021 neem sy deel aan Talent Africa, en het haar Provinsiale- en SA-kleure in Uitvoerende Kunste verwerf. Laas jaar het Jade by die Nasionale Oos-Kaap rondte 10 goud en 3 silwer medaljes verwerf. Daarna het sy die SA span by "Stars of the Universe", virtuele Internasionale kompetisie verteenwoordig en het teen meer as 15 lande deelgeneem. Sy het goud en silwer verwerf.

By LLSD se jaarlikse prysuitdeling het Jade die "Finishing & Grooming" Junior trofee asook die "Most Improved Dance Award" verwerf.



# OPEWATER SWEM:

Baie sterkte aan die 3 dogters wat Saterdag, 19 Februarie 2022 aan die Oos-Kaap Skole swemuitdunne gaan deelneem. Die uitdunne vind by die NMB Swembad in Newton Park plaas.

Carla Landman  
Chloe Steyn  
Anri de Beer

Framesby is trots op julle en ons sien daarna uit om julle vordering in die water dop te hou.



# KULTUUR

## FANTASIA KOOR:

Ons is baie opgewonde oor die vordering wat ons nuwe koorleier, mnr. Kobus Buys, met die koor maak. Hy het groot planne vir die koor en nooi alle belangstellende leerders uit om vir 'n oudisie 15 minute voor die oefening op Dinsdag om 18:00 of Donderdag om 17:00 te kom.



## FRUK:

9 leerders het vir die Nasionale Toneelspelkompetisie ingeskryf. Die eerste uitdunronde vind op 21 Maart by Hoërskool Pearson plaas. Ons wens die leerders sterkte toe met hulle voorbereiding.



## ENGLISH DEBATING:

Join us at English Debating! We are working on our debating skills, so first-timers are welcome. Our debate topics are controversial and exciting. We meet on Thursday at 14:15 in room 6. See you there!



AND

# ” PAINT RUN ”



ENTRIES @  
SCHOOL UNTIL 23  
FEBRUARY 2022  
&  
25<sup>TH</sup> FEBRUARY  
FROM 15H15 @  
KOSBLIK

Contact  
L. Smit  
072 796 2569

M. Cronjé  
083 397 3251



Sponsored by



PORT ELIZABETH

**Friday 25 February 2022**  
**Framesby High School (A-Field)**

16h15 = 1 km OPEN - R20

17h15 = 100m Dash - R20

17h45 = 5 km = R50 & 2,5 km = R 30

# FRAMESBY-HOKKIE

## AKADEMIE

## GRAAD 5 - 7

4 | 11 | 18 | 25 FEBRUARIE  
17:00 - 18:00



*sluit aan by die vlam!*

Bespreek jou plek by Jordan Drury - [jdrury@framesby.co.za](mailto:jdrury@framesby.co.za)

**RIANETTE LEIBOWITZ HET MET ONS KOM GESELS RAKENDE KUBER-VEILIGHEID.**



**Rianette**  
CYBER WELLNESS

*Rianette Leibowitz focuses on Cyber Wellness and Online Safety and is on a mission to save lives by taking a more holistic view of our digital habits. Rianette founded SaveTNet Cyber Safety, is a Brand SOUTH AFRICA Play Your Part Ambassador, Author, TV & Podcast Presenter and Digital Parenting Expert.*

As head of Communications and Business Development for Cyanre the Digital Forensic Lab and LexTrado EDS Litigation Support Services, she stays abreast of the developments within the cyber security landscape.

As a speaker she has spoken to global audiences like TEDx, the Global Leadership Summit, Campus Party International and was featured in the international documentary film, "Public Figure".

Rianette partnered with SEACOM's WonderNet to create the #CyberSmartHub, a portal containing cyber wellness articles and videos.

In her book "Raising a SCREEN SAVVY Child", (also available in Afrikaans) Rianette empowers families to become responsible digital citizens. Rianette speaks at schools, churches, companies and conferences and has played a significant role in the development of cyber safety toolkits for schools and corporate cyber wellness programmes for companies.

By being part of the Executive Women's Forum based in America and other mentoring and leadership development programmes she grows her international network.

Rianette has won numerous awards such as the "Women of Wonder Award 2020"

[www.rianette.com](http://www.rianette.com)




# MEDIASENTRUM




## OU VRAESTELLE

Leerders kan ou vraestelle verniet op 'n USB -stokkie laai, 'n vraestel-cd koop of teen 50c per bladsy laat afrol.



## BOEKE EN DVD'S

Leerders kan tydens pouses en na skool boeke en dvd's kom uitneem.



## NAVORSING EN DRUKWERK

Leerders kan tydens pouse en na skool verniet navorsing op die rekenaars kom doen. Take kan in kleur of swart en wit gedruk word.



## ONS VERKOOP DIE VOLGENDE:

Skoon cd's, vraestel-cd's, A4-kleurkarton, A3-kleurkarton, flipfile-sakkies, taakomslae, usb's en vele meer!



DIE KOSBLIK

**MIDDAGETES TEEN R25**

*Beskikbaar tweede pouse en na skool slegs op bestelling*

Week 1

## MAANDAG

Oondgeroosterde hoenderfillet, aartappelwiggies en griekse slaai

## DINSDAG

Macaroni en Kaas en slaai

## WOENSDAG

Gekrummelde hoendersalsa vlerkies

Pasta-slaai en Groenslaai

## DONDERDAG

Boereworsrol met tamatie en uiesmoor en aartappelskyfies

## VRYPDAG

Hoender pregorolletjie met soetpatatskyfies

**VIR BESTELLINGS:**  
**DUANNE: 071 571 3648**  
**E-POS: WSPE.FRAMESBYHS@EMPACTGROUP.CO.ZA**



# DIE HANGER

## Ramble Rugzak

R 650 BESKIKBAAR IN DIE HANGER IN DIE VIERDE KWARTAAL.

KWALITEIT

DUURSAAM

GEWAARBORGDE PRODUK



PLEK VIR NAAMPLAATJIE

SKOOLWAPEN GEBORDUUR

# VORDERING: KLASKAMERS



# OUDSKOLIERE NUUS:

## ANDRÉ GERBER

**POSITION: SCRUMHALF**

**AGE: 21**

**HEIGHT: 171CM**

**WEIGHT: 77KG**

**STUDYING: EDUCATION**

**INTERESTING FACT:  
DUMPLING ADDICT**



André Gerber opgeneem in Madibaz rugbyspan vir NMU.



Baie geluk aan Viaan Wolmarans wat in die 2022 OP-Currie Bekerspan opgeneem is.



# FRAMESBY OUDSKOLIERE



## ONS GESELS MET: JUAN ROSSOUW



*Juan Rossouw*

Beste Fakkelflits-lesers

Ten tye van die versoek aan my gerig om iets met julle te deel, het ek (getrou aan my karakter) eers gewonder oor my deelname aan hierdie versoek en boonop op hierdie spesifieke platform. Vanoggend, met die son wat oor die Stellenbosch-berge begin loer, het ek gedink – WHY NOT!

Gegroet mede-Framesby-vrinne. Plak 'n palm, plak 'n palm...JA, groet my!

Dis JUAN ROSSOUW hier – die stil, skaam, nie-rokende en nie-drinkende 1981-matrikulant. Die uitsondering. Die een wat eintlik 'n vinnige senter was, maar nie gespeel het nie omrede ek nie geduik wou word nie. Dieselfde een wat by UPE se tartanbaan voor gehardloop het in die 400m hekkies en toe oor die tweede laaste hekkie gestruik het, en laaste geëndig het. Dis ek wat in die wind en (nat) weer in Kragga Kammaweg moes fietstrap skool toe en terug terwyl Alta-hulle met die groen 730i BMW geruisloos by my verbygeswiep het, terwyl my oë nat was – hetsy van die wind, reën of daardie vog wat deur die traanklier veroorsaak word. Dan trap ek harder. My doelwit dieselfde : Om met waardigheid deur die skoolhekke te beweeg na waar Amoré van Eck, alias Corky Ballington (dis wat ons haar genoem het) haar motorfiets parkeer het. En ek my blou Raleigh. Sterkmaaksake. Onwetend het dit my gevorm. Gevorm tot waar ek vandag nie sal terugstaan vir enige balie lid of korporatiewe uitvoerende hoof in debatvoering nie. En nee, ek het nie die A-simbool, of die meervoud daarvan, behaal nie. Eers later tydens my studies nadat ek my nis gevind het – en myself!

Wat onthou ek van skool? Kom ons kyk mekaar in die oë en praat reguit (sonder dat dimensie hier kom staan en inmeng) oor die volgende aspekte. Ek onthou golwe van goeie tye, sowel as minder goeie tye. Ek onthou hoe menere Nick Scheepers en Hammies van Niekerk van Namakwaland my stukkend gefoeter het omdat ek dalk nie my Bybelvers perfek kon resiteer nie, of die skets van die amoeba (wat van vorm verander) nie volgens sy beeld neergepotlood het nie. Sterkmaaksake.

Ek onthou hoe rooi mnr. Dudley se gesig was wanneer hy kwaad was. Of wanneer hy nie kwaad was nie. En Oom Johan Kritzinger wat altyd ferm, maar mooi met ons in gesprek getree het. Ek onthou klein Aardrykskunde Smittie wat sy bes probeer het om windpatrone tydens aardrotasie te verduidelik. Ek onthou hoe seuns nie Tik as vak geneem het nie. Vandag is daar 'n fliek met hierdie titel, pas benoem as een van die hoogtepuntinskrywings by 'n filmfees. Mos weermagstories. Ek onthou hoe my Marmite-en-kaas Cream Crackers Maandag pouses gesmaak het - daar tussen die opslaanklas en die tennisbaan. En vir Ina Berndina van der Vyver. Vir haar onthou ek goed. Moenie vrae vra nie. Dan die liewe Juffrou Diedericks wat in die Wiskunde-klas vir my gesê het om wye draaie om syfers te stap. Hieroor brei ek later uit. Ek onthou my ander stil, wegraak-vriende : vir Krappie (Werner Postma) en Tim Schmit en Wollie. Ja, albei van hulle. Ek verwys na die tweeling. Vandag wonder ek of ons daardie jare as die mutante gesien was, of net diegene wat toe al uit die boks kon dink. Neem dit letterlik of figuurlik op - interpretasie is 'n gawe, en begrip sy meester. Dankie Nicoleen Carelse (Olivier) en Zahn Koen dat julle ons vriendinne was. Van toeka tot nou. Renaldo Rheeder, ek onthou hoe jy voor my gesit het in die matriekeksamen lokaal en net na aflegging van jou Rekeningkunde vraestel, jou Parker laat les opsê het teen die houtvloer. Praat van 'n glimpen! Ek het daardie dag Xhosa geskryf met groot name soos Leslie Battiss en Chris Gouws en toe net daarna, sonder teatrale gedrag, maar (weereens) net saggies huis toe verdwyn het. Ek onthou hoe ek tydens hierdie eksamen my ouma gegroet het. Sy is hemel toe. Ek weet dit nou, want ek is ook Sy kind. Só geword lank nadat ek pak gekry het oor Bybelversies by Nick Scheepers met die bruin Cortina. Kom ons kyk weer in mekaar se oë en sê : "Word stil, hier gaan 'n groot man verby..." Ek verwys na Parra. Die grootste invloed op my lewe. Meneer Terblanche. Boorling van Westering met sy W115 Mercedes-Benz. Room van kleur met rooi MB-TEX bekleedsel.

Jy! Jy het my geleer om te glo in myself. Jy het my geleer van pedagogiek en alles wat 'n handboek of studiemateriaal nie kon nie. Jou boere-statigheid het my opgeval. Jou eerlikheid en opregtheid nog meer. Vir jou het ek daardie A-simbool gegee. In 'n mate ook my wese, want sien....ek het JY geword! Parra 2.0 vir dié met begrip. Mercedes-Benz entoesias en eienaar, onderwysmens en gesinsman. Ek probeer jou steeds trots maak. Daaglik.

Om die klassleutel in die gang af te gooi sodat die deur kon oopgesluit wees alvorens hy by die klas arriveer het, was vir my die ritueel en simbool van "ontsluit jou potensiaal." Dankie Meneer vir daardie onthou.

Dankie Junita Lamprecht vir ons Goue Tulp koortoer na Europa in April van 1981. Soos ek die anderdag by Hugo Lambrechts musiekskool aan jou genoem het – jy is die rede vir my wêreldreise. Magic carpet rides should never end, it should become a neverending story.

En toe gebeur onderwysstudies en weermag. Die stil outjie ontpop as leier. Ook in Angola waar hy as "boskaptein" die bevelvoerder word van 'n 81mm mortierpeloton. Met sy eie Alouette en Bosbok – vir die wat weet wat dit is. Die een is soortgelyk aan 'n BK 117 en die ander net Kleiner as 'n 747-400. Nou weet almal. Deur genade word ek nie doodgemaak nie en ontvang ek die Presidentstoekening vir uitsonderlike leierskap in die weermag in 1987. Kort na die Helderberggramp. Begin toe mos om halfmarathons te hardloop en met 'n raket, 'n rubberballetjie teen die muur te moker. En LOVE dit! Mos vir jare so aangehou. Spansport was toe nooit my ding nie...dit besef ek agter 'n skiboot op 'n dam. 'n Paar seemyl later!

Ek ontdek toe in 1994 vir Stuttaford van Lines. Die groen lorrie. Te veel plekke om op te noem. Na Gordonsbaai beland ek pens en pootjies in die Verenigde State van Amerika vir amper vier jaar. En dis toe daar dat ek vir juffrou Diedericks die toffie druk. Ook vir die maer, skugter seuntjie van Framesby. My kundigheid word meteens aangewend in die vorm van Wiskunde onderrig en die hersien van die staat se Wiskunde kurrikulum, terwyl ek vir die lekker daarvan by die Universiteit in Greensboro en Chapel Hill betrek word by antropologie en diversiteitsonderrig. Naweke vlieg ek waarheen ek wil, of druk die V8 afslaandak Mustang se neus in die rigting van die Blueridge Parkway. Dan brul beide van ons van genot. Met vroulied wat nie wou emigreer nie, keer ek toe maar terug en ruil ek die star spangled banner in op 'n meerkleurige enetjie. Sonder sterre. En daar kom die isiXhosa toe weer handig te pas. "Enkosi, zalisa i-tenki nceda." "Ufuna ntoni? Imali? Hayi, andinamali." And all that Jazz! Benewens albums vol foto's en pragtige herinneringe, wat het ek dan nog saamgebring "huis" toe? So 'n paar spiertjies on top of the ones I had. Die maer bleek seuntjie het liggaamsbou as stokperdjie en sport beoefen. GAMECHANGER. Waar is daai twee boelies nou.....Sterkmaaksake.

Vandag is ek die trotse skoolhoof van 'n pragtige skool in Kaapstad en word ek gerespekteer deur 1400 leerders en 78 personeel. Ja, daar was aanbiedinge op bevordering maar met vroulied wat haar lyf skoolhoof hou by my buurskool, is dit vir ons beide 'n redelike gemaksone waarbinne ons verkeer. Ek en vroulied het onlangs die voorreg gehad om by Framesby te kuier in die teenwoordigheid van my kollega, mnr. Marius Germishuys, wat my belowe het dat hy by my ook besoek sal aflê. Daar is seker 'n ou Framesby-fondsie om dit moontlik te maak?

Ek en Estelle is geseën met 'n pragtige seun wat tans op hoërskool is, en anders as sy pa, deelneem aan al wat 'n spansport is. Hy lyk darem na my! Ons hou almal van reis (vieslike Covid!) en het die voorreg gesmaak om reeds sestien lande te kon besoek. Daar is nog so 'n paar op die emmerlysie. Mits die emmer nie omval nie. Verder ondersteun Estelle my in my liefde vir die Duitse fabrikaat en was/is die volgende op die oprit: W123 230E, twee C123's, W116 350SE, W 116 280SE, W 126 280SE, W201 2.0, W203 C280, W204 cdi, R107 280SL. Lekker speelgoed. Vir Parra.

Ek probeer gereeld op Facebook uitreik na skoolkennisse. Dit werk mos maar so. Die in-groep reageer selde, en dan gesels ek en Nicoleen sommer weer hier op 'n dag die hond uit die bos uit. Want ons besef – ons is verganklik en moet elke dag voluit leef in die oomblik van NOU. Laat die klein dingetjies geld. Meneer die dokter, meneer die prokureur: ons is almal kinders van Framesby!

Ek dra hierdie op aan my lewensvriendinne, doktor Marinda Kruger en Erna van Rooyen, wildkenner par excellence, wat nog naweke saam met my kan lag wyl ons die vog geniet! En ja, ons praat dan almal Framesby, en nie "foreign" nie.

Plak 'n palm, plak 'n palm, ja...GROET MY!

Teach us to number our days aright that we may gain a heart of wisdom.

# UIT DIE ARGIEWE:



# OUDSKOLIERE BERIGTE:

Indien jy iemand vir die Oudskoliere-berig wil nomineer, kontak ons gerus : [mediasentrum@framesby.co.za](mailto:mediasentrum@framesby.co.za).

Ons wil graag berigte plaas van al ons oudskoliere, maar benodig hul selfoonnommer/e-pos om kontak te maak.

Dis altyd lekker om te hoor waar ons oudskoliere hulself vandag bevind sowel as om terug te kyk na almal se Framesby herinneringe.



# FRAMESBY

## OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na [fos@framesby.co.za](mailto:fos@framesby.co.za) sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

**U inligting bly hoogs vertroulik.**  
Die rede hoekom ons u ID-nommer benodig, is om te verhoed dat ons duplikate op ons sisteem stoor.



KONTAK BELINDA: 082 781 2876

**BURGER  
R30**



**FOV**

**FRAMESBY ONDERSTEUNERSVERENIGING**

**FOV IS VRYDAG, 18 FEBRUARIE 2022 OOP!**

**VANAF 17:30 TOT 21:00**

*Kom kuier saam!*

# Hoërskool Framesby

IN VENNOOTSKAP MET BLUNDEN



HOËRSKOOL FRAMESBY

**BLUNDEN**  
**BUSDIENS**



## BUSROETE VANAF 2023

Blunden, wat in 1970 in die Oos - Kaap gestig is, bedien al meer as 40 jaar die toerismebedryf in die provinsie en land.

**Nuwe roete: Summerstrand - Walmer - Mount Pleasant - Charlo - Lovemore Heights.**

**Huidige roete: Uitenhage - Despatch.**

**VIR MEER INLIGTING**  
KONTAK DIE SKOOLHOOF BY  
**041 360 1257**

# Hoërskool Framesby

## TENDERVERGADERING KLEREWINKEL : DIE HANGER

Woensdag, 23 Februarie 2022 | 15:00  
Nuwe gebou (Hek B - Willowbysingel)

- Diegene wat belangstel om die klerewinkel te bedryf, word na die inligtingsvergadering soos hierbo gemeld, uitgenooi.
- Covid-regulasies sal geld.
- Bespreek u plek telefonies by mev. M. Fourie by 041 360 1257 tydens kantoorure voor Maandag, 21 Februarie 2022.
- Sluitingsdatums van tenders en alle inligting benodig vir tenders sal by die inligtingsvergadering deurgegee word.
- Die Beheerliggaam van Hoërskool Framesby behou hom die reg voor om nie die tender toe te ken indien daar nie 'n geskikte kandidaat is nie.





# Hoërskool Framesby

(Afrikaansmedium)

Onderwysposte (Beheerliggaam)

## **POS 1**

**ENGELS HUISTAAL / EERSTE ADDISIONELE TAAL GR. 8 - 12  
[XHOSA GR. 8 - 9 SAL U AANSOEK VERSTERK]**

## **POS 2**

**REKENAARTOEPASSINGSTEGNOLOGIE GR. 10 - 12 EN/OF  
SOSIALE WETENSKAPPE EN LEWENSORIËNTERING GR. 8 - 12**

- Meld verdere bykomende vakke.
- Meld buitemuurse bedrywighede.
- Diensaanvaarding: 1 April 2022.
- Sluitingsdatum vir aansoeke: 21 Februarie 2022.
- Slegs persone wat vir onderhoude genooi word, sal gekontak word.
- Beheerliggaam hou hom die reg voor om nie die pos te vul nie.
- Vergoeding in lyn met departementele skale.
- Volledige aansoeke en CV's aan:

Mnr. Marius Germishuys  
Die Hoof  
Posbus 28065  
Sunridgepark  
Port Elizabeth  
6008

Tel : 041-360 1257 | Faks : 041-360 7787

E-pos: [skoolhoof@framesby.co.za](mailto:skoolhoof@framesby.co.za)

**TENANT CONTACT LIST - JULY 2021**

<b>Absolute Pets</b>	<b>067 776 0661</b>
<b>Bakers Street</b>	<b>060 767 1330</b>
<b>Barksole Shoe Repairs</b>	<b>063 313 2023</b>
<b>Build It</b>	<b>041 360 9790</b>
<b>Capellini Coffee &amp; Restaurant</b>	<b>041 360 3784</b>
<b>Canine Pet Boutique &amp; Deli</b>	<b>041 360 3797</b>
<b>Clicks &amp; Clicks Pharmacy</b>	<b>041 360 0179</b>
<b>Crazy Store</b>	<b>087 135 8733</b>
<b>de'Keg</b>	<b>041 492 3700</b>
<b>Eglings Pro-Foto / KODAK</b>	<b>041 360 4436</b>
<b>Elle Lifestyle Boutique</b>	<b>041 360 6104</b>
<b>Fishtales</b>	<b>041 360 2877</b>
<b>Hair &amp; Beauty @ The Village</b>	<b>041 360 1199</b>
<b>IT On The Move</b>	<b>084 752 7927</b>
<b>Lady J's Bridal Studio</b>	<b>041 360 3255</b>
<b>LIA Fashions</b>	<b>041 360 3311</b>
<b>Ling Long Chinese Take Away</b>	<b>041 360 0590</b>
<b>Mary's Home Industry</b>	<b>041 360 9995</b>
<b>Mobilities Vodacom</b>	<b>041 363 1818</b>
<b>Norma Jeans Nail &amp; Beauty</b>	<b>041 360 2204</b>
<b>Oasis Water</b>	<b>072 386 0130</b>
<b>Optilife</b>	<b>041 450 9454</b>
<b>Optiskin</b>	<b>060 682 9924</b>
<b>Pick 'n Pay Clothing</b>	<b>041 360 3718</b>
<b>PostNet</b>	<b>041 360 7441</b>
<b>Ray's Car Wash</b>	<b>083 227 4102</b>
<b>Ray's House of Biltong</b>	<b>041 360 2007</b>
<b>Roman's Pizza</b>	<b>041 360 3104</b>
<b>S.A. Post Office</b>	<b>041 509 8681</b>
<b>San Fernando's</b>	<b>041 368 1954</b>
<b>Spec-Savers Sunridge Park</b>	<b>041 360 8406</b>
<b>Spice Café</b>	<b>081 722 5308</b>
<b>Sunridge Barber</b>	<b>084 578 3714</b>
<b>Sunridge Exchange</b>	<b>041 360 1109</b>
<b>Sunridge Service Station</b>	<b>041 360 1513</b>
<b>Sunridge SuperSpar</b>	<b>041 360 1509</b>
<b>Thandi Florist</b>	<b>041 360 3594</b>
<b>Tidy Tucs Tailor</b>	<b>062 626 0385</b>
<b>Tops Liquor Store</b>	<b>041 360 1509</b>
<b>Twee Vellies</b>	<b>072 634 6575</b>
<b>Universal Cellular</b>	<b>041 360 5919</b>
<b>Vangela's Jewellers</b>	<b>041 369 0100</b>
<b>Village Laundry</b>	<b>079 598 5196</b>
<b>Wimpy</b>	<b>041 360 1757</b>
<b>Woolworths Food</b>	<b>041 398 3600</b>
<b>Zebro's Charcoal Grilled Chicken</b>	<b>041 360 0331</b>
<b>Ziningi Gifts</b>	<b>081 719 9563</b>
<b>OMEGA SECURITY KIOSK</b>	<b>083 227 0649</b>